



Tráth 4: Teaghlaigh na Lúcháire

Seirbhís Urnaí

Is féidir an tseirbhís urnaí seo a reáchtáil sa seomra ranga, i halla na scoile nó san áit urnaí. Tabhair cuireadh don phobal mas maith libh, paróistigh, an sagart paróiste, séiplíneach na scoile. Tabhair cuireadh do na tuismitheoirí agus do na seantuismitheoirí más féidir.

Áit Urnaí

- Éadach glas boird
- Coinneal
- Uisce Coisricthe
- Bíobla
- Grianghraf nó líníocht theaghlaigh a rinne duine de na daltaí
- Grianghraf An Phápa Proinsias



Ceannaire: Bail ó Dhia oraibh ar maidin. Táimid tagtha le chéile inniu le guí ar son na lúcháire. Guímid ar son na dteaghlach ionas go mbeidh lúcháir inár saol. Táimid ag súil go mór le cruinniú na dteaghlach domhanda a tharlóidh in Éirinn i rith an tsamhraidh. Beidh teacht le chéile leis an lúcháir agus an grá teaghlaigh a bhronn Dia orainn a cheiliúradh.

Cuirimid tús leis an nguí in ainm an Athar, agus an Mhic, agus an Spioraid Naoimh. Amen.

Amhrán Tosaigh: 'Amhrán an tSlógaidh', *I nGrá Dé*, Rang 2/P4, l. 88.

Ceannaire: A Dhia ár nAthair, gabhaimid buíochas leat as na teaghlaigh a bhronnadh orainn. Gabhaimid buíochas leat aga n ngrá is an lúcháir a bhíonn le sonrú ina measc, agus as an aire is an sonas a bhaineann leo. Deonaigh go roinnfimid an grá is an lúcháir i gcónaí lenár muintir féin agus le cách. Cuirimid ár nguí chugat trí Chríost ár dTiarna. Amen.

Léitheoir 1: Sliocht ó leabhar Íseáia (Salm na Lúcháire)

Ba mhaith liom é a fhógairt ar fud an domhain, 'Bhronn an Tiarna a ghrásta orm!'

Ba mhaith liom é a fhógairt ar fud an domhain, 'Is éachtach é an Tiarna!'

Canaim agus tógaim gártha toisc go ndearna an Tiarna teagmháil liom,
agus is éachtach é an Tiarna!

Sin é Briathar Dé.

Cách: Buíochas le Dia.



Ceannaire: A Dhia ár nAthair, ba mhaith leatsa gur clann lúcháireach a roinneann an lúcháir go fial a bheadh ionainne. Bímis mar thobar na lúcháire ar fud an tsaoil.

Léitheoir 2: Bronn an lúcháir orainn, agus ar ár muintir. Tabhair le fios dúinn go mbíonn tú i gcónaí inár láthair.

A Thiarna éist linn.

Léitheoir 3: Bronn an lúcháir orainn, agus ar ár gcairde. Tabhair le fios dóibh go mbíonn tú i gcónaí ina láthair.

A Thiarna éist linn.

Léitheoir 4: Bronn an lúcháir ar fhoireann na scoile, agus ar an bpobal áitiúil. Tabhair le fios dóibh go mbíonn tú i gcónaí ina láthair.

A Thiarna éist linn.

Léitheoir 5: Bronn an lúcháir ar an aicme gan chara ar bith. Tabhair le fios dóibh nach scartar ó do ghrá iad, go mbíonn siad i gcónaí i do láthair mar bhaill de chlann Dé.

A Thiarna éist linn.

Léitheoir 6: Bronn an lúcháir ar an aicme atá faoi bhrón toisc gur cailleadh duine muinteartha leo. Tabhair le fios dóibh go mbeidh tú i gcónaí ina láthair ag tabhairt aire dóibh.

A Thiarna éist linn.

Ceannaire: Tuigimid go maith go mbíodh Íosa i gcónaí ag guí chun an Athar ar Neamh. D'iarr sé orainne a leithéid a dhéanamh chomh maith. Mar sin, abraimis an phaidir a thug Íosa dúinn:

Cách: Ár nAthair ...

Ceannaire: A Dhia ghrámhar, gabhaimid buíochas leat as an lúcháir atá le sonrú ionainn agus i measc na dteaghlach. Bainimid le teaghlach éagsúla, sa bhaile, ar scoil, sa pharóiste, an teaghlach domhanda. Bímis mar thobar na lúcháire agus an tsonais i ngach aon cheann acu.

Cách: Amen.

Léitheoir 7: Paidir Oifigiúil Chruinniú Domhanda na dTeaghlach 2018

A Dhia, ár nAthair,

In Íosa do Mhac is bráithre agus siúracha sinn.

Teaghlach amháin, i Spioraid do ghrá.

Beannaigh sinn le haoibhneas an ghrá.

Déan foighneach agus cineálta sinn, séimh agus fial.

Bímis fáilteach dóibh siúd ar an ngannchuid.

I maithiúnas agus i síocháin go mairimid.

Tabhair aire do na teaghlach uile le do chúram geanúil,

go háirithe iad siúd a bhfuilimid ag guí orthu anois:

(Cuimhnimis ar bhaill dár dteaghlach agus ar dhaoine eile ina n-ainm).

Méadaigh ár gcreideamh, neartaigh ár ndóchas.

Coinnigh slán sinn i do ghrá.

Bímis i gcónaí buíoch as ár gcomhbeatha.

Iarraimid é seo, trí Chríost ár dTiarna. Amen.



Seachtain na Scoileanna Caitliceacha 2018

Ceannaire: In ainm an Athar agus an Mhic agus an Spioraid Naoimh.

Cách: Amen.

Amhrán Deiridh: 'Aoibhneas an Ghrá don Domhan Uile', Iomann Oifigiúil Chruinniú Domhanda na dTeaghlach 2018.